

data : _____

n° d'anonimat : _____

Dorsièr 1 : Compreneson Orala e Escricha
(durada : una ora. dorsièr de tornar abans la pausa)

Compreneson de l'oral (35 ponches)

Exercici 1 (15 ponches)

Vas ausir un enregistrament. Auràs :

- 1 minuta per legir las questions
- una primièra escota
- 1 minuta de pausa per començar de repondre a las questions
- una segonda escota
- una minuta de pausa per completar las responsas.

Respond a las questions

1/ Sonas al teatre « Dels Quatre Vents » e ausisses lo messatge seguent sul respondeire. Sus quina toca cal quichar per s'abonar ? (2 ponches)

Toca n° :

2/ A ton vejaire, quinas tocas a quichadas la persona que telefona dins aquel enregistrament ? Enròda los numeròs de las tocas que correspondon. (4 ponches)

D'en primièr a quichat la toca	1	2	3	4	5
e puèi a quichat la toca	1	2	3	4	5

3/ La dimenjada, pòdes reservar pel tantòst o per la serada (3 ponches)

- vertat
- fals
- sabèm pas

4/ Las bilhetas que còstan lo mens car son a : (2 ponches)

- quinze èuros
- vint èuros
- trenta èuros

5/ Qué i al teatre dels quatre vents al mes de Març ? (4 ponches)

- _____

- _____

Exercici 2 (20 ponches)

D'en primier, legís lo tablèu çai sota.

Vas ausir un registrament, aprèp l'escota, auràs 2 minutas per començar de respondre, puèi tornaràs escotar lo registrament e auràs tornarmai 2 minutas per completar tas responsas.

Verai o Fals ? Fai una crotz dins la bona colomna (2 ponches per item)	Verai	Fals
Matèu farà una fèsta aqueste dimècres		
L'aniversari de Matèu es lo 13 de genièr		
Matèu a pas donat de convit a Joan per son aniversari		
Joan aví convidat Matèu a son aniversari		
Joan anarà segurament a la fèsta		
Marina pòt pas i anar que va a la piscina		
Marina es malauta		
Marina va manlevar un libre a la biblioteca		
Joan a crompat un present per Matèu		
Marina e Joan van fabregar un jòc per ofrir a Matèu		

Compreneson de l'escrich

Exercici 1 (3 ponches)

Ralentir
Sortida d'escòla

A

Dejunar

C

ASSOCIACION ESPORTIVA
DOBÈRT LO SER

B

Mèfi !
Pintura fresca

E

Camisons de fotbòl en promocion
Fins de las promocions aqueste ser !

D

!
Dangièr
Defensa
de se banhar

G

Piscina dobèrta la tantossada
Adultes : 3 euròs
Mainatges : 2 euròs
Reservat a las escòlas
De 8h30 a 10h30

F

Reservat a las veituras de polícia

H

Per las frases 1 a 6, indica dins lo tablèu la letra correspondent (A, B, C, D, E, F, G).

(0,5 ponch per item)

1. Es un luòc ont cal pas menar lèu	
2. Dins aquel sit, se pòt jogar al fotbòl en fin de jornada	
3. Cal crompar uèi. Es mens car.	
4. Se pòt pas nadar en familha lo matin	
5. Es pas possible d'estacionar aquí	
6. Toquetz pas !	

Exercici 2 (8 ponches)

Legir lo document


Creses que i a d'avenir encara pels avions ?
La montada del prètz del carburant e la fin de las resèrvas de petròli prevista d'aicí quaranta o cinquanta ans obligan a se pausar de questions.

Totes los avions son obligats de passar atal a la « tortura » coma dison per verificar que resistisson plan.

Las pèças dels avions d'Airbus son fabricadas en setze endreches diferents d'Euròpa. Puèi son portadas als talhièrs de montatge que son installats a Tolosa e a Amborg. Es un vertadèr avion europèu.

Los avions pòdon pas volar sens petròli. Mes dempuèi cinquanta ans los avions – coma las autòs – an progressat. Consumisson mens de carburant : la mitat de çò que cremavan quaranta ans a !

Airbus es un constructor d'avions europèu. Se n'es parlat fòrça al començament de l'annada 2005 amb l'enairada, a Tolosa, pel primièr còp, de l'A380. Es lo pus grand avion portaire de viatjaires del mond. Poirà portar entre 550 e 800 personas al còp.



Lo primièr A380 poirà portar de viatjaires en 2006, mas, en esperant aquel moment, cal far plan ensages. Per aquò far, lo fan volar de milierats d'oras per verificar sa resisténcia e s'assegurar de tot çò de la securitat. Lo fan pojar fins a 13 000 mètres d'altitud, lo fan enairar dins de condicions diversas, lo fan aterrir, lo fan volar a la velocitat minimala e puèi a la maximala. Entre tot, aquò's de mesas e de mesas d'ensages e de milierats d'oras de vòl.

Segon lo constructor, l'A380 es mens costós en carburant que los autres avions perque es pus leugièr. An utilizat per lo far de materials composit e de metalls novèls. Consumís tres litres de carburant per viatjaire als cent quilomètres.

1.1 – Marcar d'una crotz la bona resposta (0,5 ponch per item)

1-S'agís d':

- una publicitat.
- un article informatiu.
- un conte.

2- Los avions consumisson :

- de mai en mai de carburant.
- de mens en mens de carburant.
- tojorn la meteissa quantitat de carburant.

3- Segon lo constructor, l'A380 consumís mens de carburant :

- perque es pus grand
- perque es realizat amb de materials leugièrs
- perque es mai modèrn.

4- Las pèças de l'A380 :

- son fabricadas a Tolosa e Amborg.
- son fabricadas en maites endreches d'Euròpa.
- son montadas dins setze talhièrs en Euròpa.

1.2 - Far una crotz dins la columna Verai (V) o Fals (F). Justificar vòstra resposta en citant una frasa o una expression del tèxt. (3 ponches per las croses e 3 per las justificacions)

<i>Afirmacion</i>	<i>V</i>	<i>F</i>	<i>Justificacion</i>
En 2009, de viatjaires son portats per d'Airbus 380.			
Lo tèxt anóncia la fin de las resèrvas de petròli per dins vint ans			
L'A380 volèt pel primièr còp en 2005.			
L'A380 pòt portar de centenats de personas a l'encòp.			
L'A380 es lo sol avion a patir de meses d'ensages per verificar sa resisténcia.			

Exercici 3 (5 ponches)

Legir lo document.

Un lop vièlh de las Americas, un enfant d'Africa que se trapan dins un jardin zoologic d'Euròpa...

Qué se pòdon plan dire ? L'enfant a lo bias per contar las Africas : la Jauna, la Grisa, la Verda... Lo lop se soven de quand èra una bèstia liura...


Un raconte de solesas, de sòmis e d'amistat quand las bèstias d'ara parlan e qu'un dròlle las compren e las aima.

Lo secret ? Sufís de saber legir dins l'uèlh de l'autre...

Daniel Pennac




L'uèlh del lop

LENGADOCIAN



Dessenh de cobèrta : Jacques Ferrandez

Prètz : 45 F



Marcar d'una crotz la bona responsa (1 ponch per item)

1- Aqueste document es :

- la sintèsi d'un film al cinèma.
- un tèxt liure d'un mainatge.
- la cobèrta d'un libre.

2- Lo raconte se debana :

- dins un parc animalier.
- dn Africa.
- sabèm pas.

3- S'agís d'un dròlle e d'una bèstia :

- vertat.
- fals.
- sabèm pas.

4- Cossí se parlan los personatges ?

- dins una lenga d'Africa.
- amb los gèstes.
- per l'agach.

5- Relevatz un sentiment evocat dins lo document

.....